



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 3. Carolo V Gallorum Regi succedit Carolus VI.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV.
A. C. 1380.

§. II.

Regina Neapolis adoptat Andegavia
Ducem.

*Hist. def.
Juven. des
Urs. p. 542.
Vitæ PP.
p. 501.*

Contra Carolum de Pace se defensura Regina Neapolis Ludovicum Andegaviæ Ducem Gallorum Regis fratrem adoptavit filium; carebat enim liberis, etsi quarto jam marito juncta. Hæc adoptio per patentis litteras in proximo Neapoli castello, quod vocabant Ovum, 29 Junii anno 1380 scriptas facta consensu & autoritate Clementis dicitur, ita, ut Reginae Joannæ, postquam decessisset, in regno Neapolitano, comitatu Provinciae, ac terris ipsius omnibus Ludovicus, & hujus posterii succederent. Ratam Clemens habuit hanc donationem: ac Regina urgebat Ducem Andegaviæ, ut protinus, & ante adventum Caroli de Pace ipsi suppetias iret. Sed Franciæ Regis mors duobus post mensibus obita hujus moliminis persequendi studium retardavit.

§. III.

*Carolo V Gallorum Regi succedit
Carolus VI.*

Rex Carolus V cognomento Sapiens
16. Septembris anno 1380, ætatis
suæ

suæ 43, regiminis 16 mortem Christiano dignissimam oppetiit. Roma conservat specimen rectissimæ hujus Regis conscientiæ. Est monumentum publicum hoc altero post electum Clementem anno, & ipso, quo Rex obiit, die notariis dictatum in hanc sententiam: Ad Clementis partes accessi ob scripta Cardinalium, ad quos spectat electio Papæ, obstricta mihi fide sua testantium, illum ex præscripto Canonum a se cooptatum fuisse. Secutus etiam sum sententiam Senatus mei, multorum regni Præsulorum doctorumque Virorum, postquam de hac re sedulo deliberaverant. At quia Cardinales invidia, odium, aut favor decepisse forsitan dicetur, declaro me Clementi non ex affectu cognati sanguinis, vel aliam ob causam minus æquam, sed bona fide, ac memoratis ex rationibus adhæsisse. Si tamen quodammodo errasse videar: assevero me velle stare decreto Ecclesiæ universæ, seu intra concilium generale, seu aliter faciendo; nequid coram Deo conscientia mihi mea exprobret.

Sæcul. XIV.
A. C. 1380.
Des Ursins.
p. 1.
Rayn. 1380.
n. 10

Duos Carolus filios, ac tres fratres reliquit. Filius in spem regni genitus Carolus VI nondum compleverat duodecim annos; novem duntaxat habebat alter, Ludovicus nomine Dux Aurelianensis. Tres patruum eorum erant Ludovicus Andegaviæ Dux ad coronam Neapolitanam

Urs. p. 531.

Sæcul. XIV. nam accitus, Joannes Biturigum, & Philippus Burgundiæ Duces. Andegavensis ut natu maximus agebat tutorem Regis nepotis sui, quem die Dominica 4 Novembris eodem anno Remis inungendum curavit: ac pro potestate sua extruebat pecuniæ cumulos ad occupandam Neapolim usui futuros.

Labbe Mesl. cur. p. 694.

§. IV.

Joannes Castiliæ Rex Clementem agnoscit Papam.

Interim Legati, quos Rex Castellæ Joannes Romam, & Avenionem miserat, munus obierant suum. Cardinalis Petrus Lunius versabatur in Hispania ut Legatus Clementis jam inde ab hujus electione. Papa Urbanus hoc anno Calendis Maji Franciscum Faventinum Episcopum eo misit cum potestate docendi facta ad demonstrandam legitimam sui electionem pertinentia. Rex hos ut Legatos audiret, magnum conventum celebrabat in quodam Salamanticensis dioeceseos loco, cui nomen Metina Campestris: ubi causa Urbani, & Clementis commode discutiebatur.

Die Veneris 23 Nov. 1380 Cardinalis Petrus Lunius lingua patria, nempe Hispanica longam orationem dicens contendente-

Vita PP.

p. 1285.

Id. p. 490.

495. 1267.

Rayn. 1380.

n. 19.